

## Mithak Hugug al Insan wu Mosuliyat

### Mithak de Sunu?

Mithak Hugug al Insan (mithak) gonun al gi hadidu hugug assasi, huriyat, wu mosuliyat ta nas kulu fi Victoriya.

Sultat markaziya (wilya wu hakuma mahaliya, mahkamat, wu jalsat lazim bi hami hugug del. Siyasat jedid wu gawanin lazim kaman kede kutu hugug al insan fi itibar.

Nas al shakalin le hakuma lazim kaman bi hami hugug al insan ashan adda ta mujtama ma bi geni zulumu zulumu.

Agara an [mosuliyat al sultat markaziya indi tehet mithak de](#). Fi halat tanin, hugug tanin mumkin bi kun indi had. Lakin, lazim kede uwo kun haja al dururi wu al maagul wu lazim kede asbab wadi kun fi le karar de.

Ainu wu nenzilu sura kamil ta gonun de. [Gonun Hugug al Insan wu Mosuliyat 2006 \(The Charter of Human Rights and Responsibilities Act 2006\)](#).

### Yatu hugug yau hami be Mithak de?

20 hugug al insan assasiya hami, hugug del beshmil:

- hag musawa
- himaya min muamala al batal, al geir insani, awu al gi nagisu kima ta zol
- hag toswit
- huriya taabir
- hugug sakafiya

Mithak de bi arufu gali hugug kulu gi ja be mosuliya. De beshmil mosuliya ta iktaramu hugug ta nas tanin. Ainu [keshif al kamil wu moulumat ziyada an kulu hugug del](#).

### Hal bi agder hadu hugug?

Bi agder hadu hugug bes fi hala al bi agder zahiru be isbatat fi mujtama al hurra wu al demokrati, be itibar le kulu awamil.

Sultat amma bi agder hadu hugug al insan kan tahaduat del indi isbatat. De bi mana hakuma wu barlaman bi agder istemir amulu kararat bidal al mujtama an aksen teriga al bi hagigu be uwo tawazun beina hugug, ta hami Viktoriyin min jaraim, wu ta istamilu tamuwil le tahadiyat ta masali amma al gi nafis.

### Hal fi ayi istisnaat?

Wodi itibar al munasib wu amulu hajat hasab hugug al insan ma bi tabigu fi hala al:

- tehet gonun tani, sultat amma bi agder sharaf le had maagul be teriga al muktelif awu amulu karar al muktelif.
- tasharuf awu karar de haja khas

- tasharuf awu karar de bi awuk awu manna hayiat diniya min tasharuf al hasab mazahib diniya, mutakadat, awu mabadi.

[Kef nas Viktoriyin fi hala aksen tehet mithak de](#)

Mithak de gi kutu hakuma ta wilaya istemir amulu gawanin jedid bidun zulum wu ashan bi ligo tawazun al munasib beina sultat gedid wu himaya ta hugug ta nas ta Viktoriya.

Mithak de bi agder kutu kidma amma ta aanna wu tasharufat ta masali hakumiya tala aksen. Uwo kaman bi agder amulu kararat ta sultat markaziya kun kararat al adil wu gowi, wu uwo gi assisu maayar gonuni wu gi gowi halat al deru tegeyir fogo.

Mithak de gi saadu fi jibu tawazun beina masali amma. Uwo gi kutu teriga al hakuma gi saadu be Viktoriyin, kasatan nas al hamishu shedid, al istabaadu wu nas al mahrumin al fi mujtama ta aanna kun aksen.

[Dor ta lejna de sunu?](#)

Lejna Fursa al Mutusawa wu Lejna Hugug al Insan ta Viktoriya gi alabu itnin dor kubar tehet mithak de:

### **1. Moulumat wu Taalim**

Aanna gi saadu nas fahim hugug wu huriyat ta mithak de wu kan umon bi amulu sunu ashan hugug del bi kun hajat al gi amulu kulu yom. Ashan aanna bi amulu haja aanna gi:

- gedimu moulumat wu juwabu sualat be wasat [kat ta istifsar \(enquiry line\)](#) ta aanna. Aanna ma indi haja al aanna bi amulu be shokuwat al indi ilaka ma mithak de.
- gedimu [taalim wu tedrib](#) an hugug wu mosuliyat ta mithak de.

### **2. Tekeyim mustekil an tenfis ta Mithak de**

- Aanna gi gedimu tekeyim muntazam wu mustekil ta katuwat al shilu be hakuma ta Viktoriya, majalis mahaliya wu sultat amma al bi kutu umon amulu hajat al umon mosuulin fogo tehet mithak de.

[Shokuwat an Mithak de](#)

Aanna ma indi haja al aanna bi amulu be shokuwat an Mithak de.

Kan ita gi fikir gali hugug al insan taki kasuru, kede ita iktesil ma [Victorian Ombudsman \(Amin Mazalim ta Viktoriya\)](#).

Kan ita der gedimu shokuwa an tasarufat ta bolis, iktesil ma [Lejna mustegil al did fasad al nithak-wasi](#).